

filiam regis Sicilię, fustulit ex ea filium Rupertum nomine, qui postea factus
est Romanorum rex. Duxit autem iste Rupertus uxorem filiam Burggrauj
Nurnbergensis, & genuit plurimos filios, nempe Ottonem, Fridericum, Ru-
pertum, Ludouicum, Ioannem, & Stephanum. Rupertus in ipso iuuentutis
flore obiit, reliqui uero fratres inter se diuiserunt patris ditionem. Ludouicus
factus est elector, habuitq; uxorem filiam regis Cypri, & fuit executor con-
cilij Constantiensis. Ottoni obuenerunt Mospach & Numarckt, sed in filio
eius Ottone nomine, defecit hec linea. Porro Friderico tulit fors Ambergā
Bauarię ciuitatem, mortuusq; est sine herede. Iohanni cessit in hereditatem
Nuenburg oppidum Bauarię, & is reliquit filium nomine Christophorum,
qui factus est rex Danię, & obiit sine prole. Stephano obuinit Zweybru-
cken cum annexa ditione, ductaq; Anna herede comitatum Veldentz &
Sphonheim, genuit Ludouicum & Fridericum. Ludouicus, cognominatus
niger, possedit Zweybrucken & Veldentz. Fridericus uero in possessionem
accepit Siemern & comitatum Sponheimensem. Huic Friderico successit fi-
lius Iohannes, Rupertus uero alter filius, factus est episcopus Ratisponensis.
Iohāni successit filius Iohannes, qui nostro quo ducatu pręsident, uir admiran-
di ingenij, & plurimis naturę dotibus conspicuus. Porro Ludouicus elector
genuit Ludouicum & Fridericum. Ludouicus genuit ex filia ducis Sabaudie
Philippum in ipso iuuentutis flore, moriensq; reliquit fratrem filij sui tutorem
& principatus rectorem, Philippus factus uir successit patruo, genuitq; mul-
tos filios, ex quibus primogenitus Ludouicus hodie principatui
pręsident, Hęc fortassis propediem in germanica
lingua latius describemus.